

**JAVNO KOMUNALNO PREDUZEĆE
„VODOVOD I KANALIZACIJA“D.O.O.
SANSKI MOST**

Broj: 02-01-1439/24

Datum: 27.08.2024. godine

Na osnovu člana 23., a u vezi sa članom 24. stav (1) tačka 4) Zakona o eksproprijaciji F BiH („Službene novine F BiH“, broj 70/07, 36/10 i 25/12), člana 92. Zakona o upravnom postupku F BiH („Službene novine F BiH“, broj 2/98, 4/99 i 61/22) i Odluke o utvrđivanju javnog interesa za nepotpunu eksproprijaciju-ustanovljenje prava služnosti za legalizaciju izgrađenog produžetka vodovodnog sistema Slatinsko vrelo „Fajtovci-Došci“, općina Sanski Most, („Sl. glasnik općine Sanski Most“, broj 04/24) člana 46. i člana 58. Statuta JKP „Vodovod i kanalizacija,, d.o.o. Sanski Most, broj 04-238/18 i broj 04-434/22, direktor JKP „Vodovod i kanalizacija,, d.o.o. Sanski Most, raspisuje

JAVNI OGLAS

za sporazumno utvrđivanje prava služnosti na nekretninama za koje je utvrđen javni interes za legalizaciju izgrađenog produžetka vodovodnog sistema Slatinsko vrelo „Fajtovci-Došci“, općina Sanski Most

I

Odlukom o utvrđivanju javnog interesa za nepotpunu eksproprijaciju-ustanovljenje prava služnosti za legalizaciju izgrađenog produžetka vodovodnog sistema Slatinsko vrelo „Fajtovci-Došci“, općina Sanski Most („Sl. glasnik općine Sanski Most“, broj 04/24) utvrđeno je da je od javnog interesa da se pristupi nepotpunoj eksproprijaciji-ustanovljenje prava služnosti za legalizaciju izgrađenog produžetka vodovodnog sistema Slatinsko vrelo „Fajtovci-Došci“, općina Sanski Most.

Javni interes za legalizaciju izgrađenog produžetka vodovodnog sistema Slatinsko vrelo „Fajtovci-Došci“ utvrđen je na nekretninama koje su označene u Elaboratu eksproprijacije izrađenog od strane d.o.o. NEW WAY CAZIN, šifra Vod-55/22, august 2022. godine.

Tačkom 2. Odluke o utvrđivanju javnog interesa za nepotpunu eksproprijaciju- ustanovljenje prava služnosti za legalizaciju izgrađenog produžetka vodovodnog sistema Slatinsko vrelo „Fajtovci-Došci“, općina Sanski Most utvrđeno je da je korisnik nepotpune eksproprijacije JKP "Vodovod i kanalizacija" d.o.o. Sanski Most.

II

U skladu sa odredbom člana 23. Zakona o eksproprijaciji F BiH ispunjeni su uslovi da korisnik eksproprijacije podnese prijedlog za nepotpunu eksproprijaciju nekretnina na zemljištu označenim kao: parcele od priključnog šahta, koji se nalazi na k.č. broj 2998 K.O. Fajtovci i ide dalje preko zemljišta označenog kao k.č. broj 1091, 2997, 891, 877 K.O. Fajtovci, te ide dalje preko parcela označenih kao k.č. 3748, 3764, 3766, 3765, 3774, 3775, 3776, 3785, 3786, 3787, 3788, 3789, 4016, 3715, K.O. Gornji Kamengrad i završava se na parceli 341/2 K.O. Gornji Kamengrad, gdje se nalazi vodovodno oko.

III

U skladu sa odredbom člana 23. Zakona o eksproprijaciji F BiH korisnik eksproprijacije JKP "Vodovod i kanalizacija" d.o.o. Sanski Most poziva vlasnike/suvlasnike nekretnina koje su navedene u prilogu, kao i sva druga lica koja imaju na zakonu zasnovan interes, da se u roku od 15 dana od dana objavljivanja ovog javnog oglasa jave na broj telefona: 037/685-067 kako bi sa zainteresovanim vlasnicima ugovorili termin sastanka, te postigli sporazum oko rješavanja imovinsko-pravnih odnosa.

Vlasnik nekretnine dužan je predočiti izvod iz posjedovnog lista, odnosno drugu dokumentaciju kojom raspolaže (ne stariju od 3 mjeseca), a kojom dokazuju svoja zakonom zasnovana prava na navedenoj nekretnini.

Dokumentacija iz stava 2. ove tačke se dostavlja u originalu ili ovjerenoj kopiji.

IV

Ukoliko se vlasnik/suvlasnik nekretnine navedene u tački 2. ovog javnog oglasa u ostavljenom roku ne javi na javni oglas smatrat će se da je saglasan da JKP "Vodovod i kanalizacija" d.o.o. Sanski Most stekne pravo služnosti na istoj.

Napomena: Ovaj javni oglas se objavljuje u dnevnim novinama „Oslobođenje“, na internet stranici JKP „Vodovod i kanalizacija,, d.o.o. Sanski Most www.vik-sm.ba, oglasnoj tabli JKP „Vodovod i kanalizacija,, d.o.o. Sanski Most i isti ostaje otvoren 15 dana od dana objavljivanja u dnevnim novinama „Oslobođenje“. Spisak nekretnina za nepotpunu eksproprijaciju može se preuzeti sa internet stranice JKP „Vodovod i kanalizacija,, d.o.o. Sanski Most www.vik-sm.ba.

Direktor
Kadić Zekotić Zejna, dipl.oec.